

Servizo de
CONTRATACIÓN

CONCELLERÍA
DE
CONTRATACIÓN

CONCELLO
DE VIGO



ACTA DA MESA DE CONTRATACIÓN DO 14 DE MARZO DE 2019

Na Sala de reunións do Servizo de Contratación da Casa do Concello de Vigo, ás 14:05 horas do día 14 de marzo de 2019, reúnese a Mesa de Contratación do Concello de Vigo convocada polo presidente o 12 de marzo, para tratar os asuntos da orde do día que figuran na convocatoria.

Asisten á reunión da Mesa de Contratación:

- Presidenta:** D^a. Nuria Rodríguez Rodríguez
- Vocais:** D^a. María Isabel Fernández Gabriel
D. Alberto Escariz Couso
D. José Riesgo Boluda
D. Miguel Fidalgo Iglesias
- Secretaria:** D^a. Ángela Fernández López

Aberta a sesión pola Sra. presidenta procédese a tratar os puntos incluídos na orde do día:

1.- Incidencias

a) Procedemento aberto para a contratación de servizos para a formación cidadá en novas tecnoloxías e o uso de Internet nos centros municipais de distrito (8.235-320)

En virtude das consideracións realizadas polo membro da Mesa de Contratación D. Miguel Fidalgo Iglesias no punto número 10a) da orde do día da sesión do 7 de marzo de 2019 (expediente 8235/320) e tras o seu estudo, a Mesa de Contratación do Concello de Vigo, observa:

I. O artigo 64 da Lei 9/2017, de 8 de novembro, de contratos do sector público sinala:

“1. Os órganos de contratación deberán tomar as medidas adecuadas para loitar contra a fraude, o favoritismo e a corrupción, e previr, detectar e solucionar de modo efectivo os conflitos de intereses que poidan xurdir nos procedementos de licitación co fin de evitar calquera distorsión da competencia e garantir a transparencia no procedemento e a igualdade de trato a todos os candidatos e licitadores.

2. A estes efectos o concepto de conflito de intereses abarcará, polo menos, calquera situación na que o persoal ao servizo do órgano de contratación, que ademais participe no desenvolvemento do procedemento de licitación ou poida influír no resultado do mesmo, teña directa ou indirectamente un interese financeiro, económico ou persoal que puidese parecer que compromete a súa imparcialidade e independencia no contexto do procedemento de licitación.



Copia do documento - Concello de Vigo	Data impresión: 21/05/2024 05:03	Páxina 1 de 3
ACTAS PERFIL CONTRATANTE	CSV: ACA446-EDC34D-3F4CE9-WQN9NK-Q4W2YF-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Aquelas persoas ou entidades que teñan coñecemento dun posible conflito de interese deberán poñelo inmediateamente en coñecemento do órgano de contratación”.

II. Segundo nota simple do Rexistro Mercantil de Pontevedra de data 11.03.2019 a mercantil APLICACIONES DE INFORMÁTICA DE AEVIGO, S.L., con NIF B-36834323 e enderezo social na rúa Menéndez Pelayo nº 3 baixo da Cidade de Vigo, ten como socio único e administrador único a D. Alberto Buceta Santana; o seu obxecto social é a compravenda e reparación de material informático e a maquinaria electrónica; a mercantil, no expediente de contratación 8235/320, ten presentado oferta no procedemento aberto para a contratación de servizos de formación á cidadanía relacionados co uso de Internet nos Centros Municipais de Distrito de Bouzas, Casco Vello, Coruxo, Teis e Saiáns; o importe de licitación elévase á cantidade de 44.963,72 euros.

A Mesa de Contratación ten solicitado do Rexistro Mercantil certificado sobre os extremos sinalados.

III. Segundo nota simple do Rexistro Mercantil de Pontevedra de data 11.03.2019 D. Alberto Buceta Santana, administrador único da mercantil anteriormente citada, comparte con D. Pablo Gutiérrez Alfaro a administración solidaria da mercantil PRISMA MECHATRONICS, S.L. con NIF B-27805225 e enderezo social na rúa Menéndez Pelayo nº 3 baixo da Cidade de Vigo; o seu obxecto social é a actividade de programación informática, a actividade de consultoría informática, proceso de datos, hosting e actividades relacionadas; portais web.

Non constan respecto da sociedade depósitos de contas anuais que impliquen actividade empresarial.

A Mesa de Contratación ten solicitado do Rexistro Mercantil certificado sobre os extremos sinalados.

IV. Segundo nota simple do Rexistro Mercantil de Pontevedra de data 11.03.2019 a mercantil CITIOUS TEAM, S.L. con NIF. B-27814474 e domicilio social en rúa Conde de Torrecedeira nº 23, andar 8º N ten como administradores solidarios a D. Pablo Gutierrez Alfaro e D. Jorge José Rodríguez Núñez; o seu obxecto social é servizos de enxeñería informática, así como calquera prestación relacionada co desenvolvemento e xestión de aplicacións informáticas e Internet.

A Mesa de Contratación ten solicitado do Rexistro Mercantil certificado sobre os extremos sinalados.

V. No expediente 8235/320 consta que a valoración dos criterios avaliábles mediante xuízo de valor así como o cálculo dos criterios avaliábles mediante fórmula teñen sido realizadas polo xefe de Servizo de Desenvolvemento local e Emprego, D. Francisco Javier Gutiérrez Orúe, pai de D. Pablo Gutiérrez Alfaro, que ten proposto á mercantil APLICACIONES DE INFORMÁTICA DE AEVIGO, S.L. como primeira clasificada na adxudicación do contrato.



Copia do documento - Concello de Vigo	Data impresión: 21/05/2024 05:03	Páxina 2 de 3
ACTAS PERFIL CONTRATANTE	CSV: ACA446-EDC34D-3F4CE9-WQN9NK-Q4W2YF-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

**Servizo de
CONTRATACIÓN****CONCELLERÍA
DE
CONTRATACIÓN****CONCELLO
DE VIGO**

Consta así mesmo, que o citado xefe de servizo participou na documentación preparatoria deste expediente mediante a sinatura do informe de necesidade e idoneidade, proposta de inicio do expediente, redacción do prego de prescricións técnicas particulares e da memoria xustificativa.

VI. Conforme o previsto no artigo 64.2 da LCSP do vínculo mercantil existente entre D. Alberto Buceta Santana e D. Pablo Gutiérrez Alfaro mediante a mercantil PRISMA MECHATRONICS, S.L., e do vínculo familiar existente entre D. Pablo Gutiérrez Alfaro e D. Francisco Javier Gutiérrez Orúe, puidera parecer a concorrencia na persoa de D. Francisco Javier Gutiérrez Orúe, funcionario ao servizo do órgano de contratación e participante no procedemento de licitación, dunha situación de posible conflito de intereses.

En cumprimento do artigo 64.2, último parágrafo da Lei 9/2017, do 8 de novembro, de contratos do sector público, a Mesa de Contratación acorda:

Poñer en coñecemento do órgano de contratación do Concello de Vigo, Xunta de Goberno Local, que no expediente de contratación número 8235/320 puidera existir un posible conflito de intereses na persoa do funcionario e xefe de Servizo de Desenvolvemento local e Emprego, D. Francisco Javier Gutiérrez Orúe.

Non tendo máis asuntos que tratar, a presidenta declara finalizada a sesión ás 14:25 horas. De todo o tratado eu secretaria dou fe.

A presidenta da Mesa de Contratación
(sinatura dixital)

A secretaria da Mesa de Contratación
(sinatura dixital)



Copia do documento - Concello de Vigo	Data impresión: 21/05/2024 05:03	Páxina 3 de 3
ACTAS PERFIL CONTRATANTE	CSV: ACA446-EDC34D-3F4CE9-WQN9NK-Q4W2YF-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		